



Sommaire

1. Ouverture de la séance publique

M. Fernand Etgen, Président

2. 8029 – Projet de loi relative à l'échange automatique et obligatoire des informations déclarées par les Opérateurs de plateforme et portant modification :

1^o de la loi modifiée du 19 décembre 2008 ayant pour objet la coopération interadministrative et judiciaire et le renforcement des moyens de l'Administration des contributions directes, de l'Administration de l'enregistrement et des domaines et de l'Administration des douanes et accises et portant modification de

– la loi modifiée du 12 février 1979 concernant la taxe sur la valeur ajoutée ;

– la loi générale des impôts (« Abgabenordnung ») ;

– la loi modifiée du 17 avril 1964 portant réorganisation de l'Administration des contributions directes ;

– la loi modifiée du 20 mars 1970 portant réorganisation de l'Administration de l'enregistrement et des domaines ;

– la loi modifiée du 27 novembre 1933 concernant le recouvrement des contributions directes et des cotisations d'assurance sociale ;

2^o de la loi du 21 juillet 2012 portant transposition de la directive 2010/24/UE du Conseil du 16 mars 2010 concernant l'assistance mutuelle en matière de recouvrement des créances relatives aux taxes, impôts, droits et autres mesures ;

3^o de la loi modifiée du 29 mars 2013 relative à la coopération administrative dans le domaine fiscal ;

4^o de la loi modifiée du 18 décembre 2015 relative à la Norme commune de déclaration (NCD) ;

5^o de la loi modifiée du 23 décembre 2016 relative à la déclaration pays par pays ;

6^o de la loi modifiée du 25 mars 2020 relative aux dispositifs transfrontières devant faire l'objet d'une déclaration ;

7^o de la loi modifiée du 25 mars 2020 instituant un système électronique central de recherche de données concernant des comptes IBAN et des coffres-forts ;

en vue de transposer la directive 2021/514 du Conseil du 22 mars 2021 modifiant la directive 2011/16/UE en ce qui concerne l'échange automatique et obligatoire d'informations dans le domaine fiscal

Rapport de la Commission des Finances et du Budget : M. Guy Arendt

Discussion générale : M. Laurent Mosar | M. Yves Cruchten | Mme Josée Lorsché | M. Fernand Kartheiser | Mme Nathalie Oberweis | M. Marc Goergen

p. 60

Prise de position du Gouvernement : Mme Yuriko Backes, Ministre des Finances

Vote sur l'ensemble du projet de loi 8029 et dispense du second vote constitutionnel

3. 8159 – Projet de loi portant approbation de l'Avenant à la Convention entre le Gouvernement du Grand-Duché de Luxembourg et le Gouvernement de la République française en vue d'éviter les doubles impositions et de prévenir l'évasion et la fraude fiscales en matière d'impôts sur le revenu et la fortune, et le Protocole y relatif, tels que modifiés, fait à Bruxelles, le 7 novembre 2022

p. 63

Rapport de la Commission des Finances et du Budget : M. Guy Arendt

Prise de position du Gouvernement : Mme Yuriko Backes, Ministre des Finances

Vote sur l'ensemble du projet de loi 8159 et dispense du second vote constitutionnel

4. 8129 – Projet de loi modifiant l'article 38 de la loi modifiée du 18 juillet 2018 sur la Police grand-ducale

p. 64

Rapport de la Commission de la Sécurité intérieure et de la Défense : Mme Stéphanie Empain

Discussion générale : M. Léon Gloden | M. Claude Lamberty | M. Dan Biancalana | M. Fernand Kartheiser | M. Marc Goergen

Prise de position du Gouvernement : M. Henri Kox, Ministre de la Sécurité intérieure

Vote sur l'ensemble du projet de loi 8129 et dispense du second vote constitutionnel

5. Interpellation de M. Fred Keup au sujet de l'évolution de et de la lutte contre la criminalité

p. 65

Exposé : M. Fred Keup

Débat : M. Léon Gloden | M. Claude Lamberty (intervention de Mme Nancy Arendt épouse Kemp) | M. Dan Biancalana | Mme Stéphanie Empain (interventions de M. Mars Di Bartolomeo, M. Léon Gloden, M. Marc Goergen et M. Gilles Roth) | M. Fred Keup (parole pour fait personnel) (interventions de Mme Stéphanie Empain et M. Fernand Kartheiser) | Mme Stéphanie Empain (parole pour fait personnel) (interventions de M. Fernand Kartheiser et M. Fred Keup) | Mme Nathalie Oberweis (interventions de M. Fernand Kartheiser et M. Fred Keup) | M. Marc Goergen (intervention de M. Sven Clement)

Prise de position du Gouvernement : M. Henri Kox, Ministre de la Sécurité intérieure | M. Fred Keup (parole après ministre) | M. le Ministre Henri Kox

Au banc du Gouvernement se trouvent : M. Henri Kox et Mme Yuriko Backes, Ministres.

(La séance publique est ouverte à 14.01 heures.)

1. Ouverture de la séance publique

M. Fernand Etgen, Président | Ech maachen d'Sitzung op.

Huet d'Regierung eng Kommunikatioun ze maachen?

Mme Yuriko Backes, Ministre | Nee, Här President.

2. 8029 – Projet de loi relative à l'échange automatique et obligatoire des informations déclarées par les Opérateurs de plateforme et portant modification :

1^o de la loi modifiée du 19 décembre 2008 ayant pour objet la coopération interadministrative et judiciaire et le renforcement des moyens de l'Administration des contributions directes, de l'Administration de l'enregistrement et des domaines et de l'Administration des douanes et accises et portant modification de

– la loi modifiée du 12 février 1979 concernant la taxe sur la valeur ajoutée ;

– la loi générale des impôts (« Abgabenordnung ») ;

– la loi modifiée du 17 avril 1964 portant réorganisation de l'Administration des contributions directes ;

– la loi modifiée du 20 mars 1970 portant réorganisation de l'Administration de l'enregistrement et des domaines ;

– la loi modifiée du 27 novembre 1933 concernant le recouvrement des contributions directes et des cotisations d'assurance sociale ;

2^o de la loi du 21 juillet 2012 portant transposition de la directive 2010/24/UE du Conseil du 16 mars 2010 concernant l'assistance mutuelle en matière de recouvrement des créances relatives aux taxes, impôts, droits et autres mesures ;

3^o de la loi modifiée du 29 mars 2013 relative à la coopération administrative dans le domaine fiscal ;

4^o de la loi modifiée du 18 décembre 2015 relative à la Norme commune de déclaration (NCD) ;

5^o de la loi modifiée du 23 décembre 2016 relative à la déclaration pays par pays ;

6^o de la loi modifiée du 25 mars 2020 relative aux dispositifs transfrontières devant faire l'objet d'une déclaration ;

7^o de la loi modifiée du 25 mars 2020 instituant un système électronique central de recherche de données concernant des comptes IBAN et des coffres-forts ;

en vue de transposer la directive 2021/514 du Conseil du 22 mars 2021 modifiant la directive 2011/16/UE en ce qui concerne l'échange automatique et obligatoire d'informations dans le domaine fiscal

M. Fernand Etgen, Président | Mir fänken d'Sitzung vun de Mëtten u mam Projet de loi 8029 iwwert d'Steierregelung vun de Plattformbetreiber. D'Riedezäit ass nom Basismodell festgeluecht. An ech ginn d'Wuert un de Rapporteur vun dësem Projet de loi, den honorabelen Här Guy Arendt. Här Arendt, Dir hutt d'Wuert.

Rapport de la Commission des Finances et du Budget

M. Guy Arendt (DP), rapporteur | Merci, Här President. Kolleginnen a Kollegen, Madamm Minister, eis

Wirtschaft, déi evoluéiert andauernd. Den Internet huet ouni Zweifel ganz nei Méiglechkeeten an eiser globaliséierter Welt opgemaach. Eng grouss Neierung sinn Internetplattformen, dat heescht, déi verbanne Verkeefer, sief dat eng Persoun oder kleng a grouss Betriber, mat Clienten aus aller Welt.

D'Situatioun ass haut esou komplex, datt d'Staaten awer och ëmmer méi Schwierigkeeten hunn, fir d'Steierlaascht genau ze bestëmmen an ze kontrolléieren, an dat zemoos, well déi grouss Plattformbedreier normalerweis an enger ganzer Rei Länner aktiv sinn.

D'Europäesch Kommissioun huet de Besoin fir méi Zesummenaarbecht erkannt an dofir eng Direktiv proposéiert, fir d'Zesummenaarbecht tëschent de Memberstaaten vun der Europäescher Unioun, wat d'Plattformen ugeet, ze verdéiwen. Dës Direktiv huet den Numm DAC7, dat ass d'Ofkierzung fir Direktiv betreffend déi administrativ Kooperatioun am Beräich vun der Besteuerung. D'Ziel 7 verréit, datt et net déi éischt Direktiv ass, déi dës administrativ Zesummenaarbecht erméiglechen a vereinfache soll. An eng aacht ass an der Ausaarbechtung.

D'Zil vun der Europäescher Kommissioun ass et, d'Besteuerung méi gerecht an einfach ze maachen a gläichzäiteg de wirtschaftlechen Entwécklung vum haut Rechnung ze droen.

De Gesetzesprojet, deen ech Iech virstellen, ass den 13. Juni deposéiert ginn a soll also dës Direktiv vum 22. Mäerz 2021 a Lëtzebuerger Recht ëmsetzen. Et ass als Alleréischts wichteg, de Begrëff vun de Plattformen, ëm déi et hei geet, ze definéieren. Eng Plattform ass e Computerprogramm, en Internetsite oder eng App, déi et dem Notzer erlaabt, mat Verkeefer verbonnen ze ginn, fir Gidder oder Déngschtleschtungen ze kafen, oder Immobilien, awer och Transportmëttel ze lounen.

De Plattformbedreier ass dann also déi Entitéit, déi dem Verkeefer Accès op seng Plattform gëtt. Et gëtt eng Obligatioun geschaaft fir d'Plattformbedreier, esoudatt si d'Donnéen iwwer Verkeefer op hire Plattformen souwéi hir Prestatiounen un déi zoustänneg Steierautoritéiten iwwermëttelen.

D'Direktiv berout op de Reegelen, déi um Niveau vun der OECD ausgeschafft gi sinn. Dat erlaabt dann och eng besser Zesummenaarbecht mat de Länner ausserhalb vun der Europäescher Unioun.

Doriwwer eraus gëtt d'Norm vun der sougenannter „pertinence vraisemblable“ definéiert. Dat erméiglecht et den Autoritéiten, hir Informatiounsufro zu enger Persoun oder engem Grupp vu Steuerzueler besser ze justifizéieren.

D'Memberstaaten müssen dann och automatesch Informatiounen zu op d'mannst véier verschiddene Kategoriën vun Akommes a Kapital deelen.

Lëtzebuerg deelt schonn Informatiounen betreffend d'Akommes vun der Aarbecht, d'Pensioun an d'Tantième mat. Ab dem 1. Januar 2025 kënn he nach den Immobiliebesëtzer d'bei.

Bei dësen Informatiounen müssen d'Memberstaaten och d'steierlech Identifizierungsnummer, eis Matri-cule, mat weiderginn.

Iwwerdeems gëtt d'Direktiv vum 15. Februar 2011 iwwert d'Presenz vu Beamten aus engem Land an engem anere Land gestärkt. Dës Direktiv erméiglecht iwwerdeems gemeinsam Enquêt vum zwee oder méi Memberstaaten. Et geet hei drëm, d'Anhale vum Recht ze garantéieren. Fir Detailer verweisen ech op mäi schrëftleche Rapport.

D'Kommissioun krut eng ganz Rei Avice geschéckt. Wann ech soe Kommissioun, heescht dat d'Finanz-

kommissioun hei aus der Chamber. De Staatsrot huet a sengem Avis vum Dezember zejoert e puer formell Oppositiounen festgehalen. Am Artikel 5 feelt e Renvoi, an den Délai de conservation vun den do genannten Donnéeën soll och bestëmmt ginn. Och den Artikel 8 Paragraf 3 an d'Delaie vum Paragraf 5 vum Artikel 8 solle präziséiert ginn.

Schlussendlech soll d'Prozedur am Paragraf 6 vum selwechten Artikel 8 kloer gesetzlech definéiert ginn, esoudatt d'Verwaltung net ze vill Spillraum huet, wann et ëm d'Ausspréche vun engem Verbuet, e Beruff ze exercéieren, geet.

An engem zousätzlechen Avis opposéiert de Staatsrot sech formell zum Artikel 3 Paragraf 2 zu de grenz-iwwerschreidenden Dispositiounen, déi deklaréiert musse ginn, dat well de Conseil d'État eng ganz Rëtsch Ufroen iwwert déi richteg Interpretatioun vun engem Arrêt vum Europäesche Geriichtshaff an der Affär C694/20 opwërf. De Staatsrot ass der Mee-nung, datt dës Froen als éischt um europäeschen Niveau musse gekläert ginn.

D'Beamtekummer huet sech an hirem Avis vum 11. Juli 2022 fir méi steierlech Transparenz ausgeschwat. Betreffend den Artikel 16 (1) bemierkt d'Beamtekummer, dass dës Dispositioun sech just op d'Netresiden-ten applizéiert. Si mengt, et kéint awer och nëtzlech sinn, dass een dës Dispositiounen och op d'Residen-ten applizéiert. Dës Remark ausgeholl, weist d'Kum-mer sech mam Gesetzesprojet an dem Projet de règlement d'accord.

D'Chambre de Commerce begréisst de Gesetzesprojet, well et eng exakt Transpositioun vun der Direktiv ass. Si begréisst och d'Präzisierungen, déi am Commentaire des articles enthalen sinn. D'Chambre de Commerce huet u sech just eng Remark ze maachen, an zwar a puncto Definitioun vum Begrëff Plattform. Si géif gäre genau wëssen, wat mat Aktivitéiten, déi direkt oder indirekt realiséiert ginn, gemengt ass.

Niewent dëser Demande weist d'Chambre de Commerce sech mat de Projekte vum Gesetz a vum Règlement grand-ducal averstanen. An engem zousätzlechen Avis begréisst d'Handelskummer d'Amendement, mee verweist nach eng Kéier op hiren éischten Avis.

D'Chambre des Salariés begréisst d'Koordinatioun op europäeschem Niveau, wat d'Besteuerung vun de Plattformbedreier ugeet. Si warnt awer virun deenen negativen Auswirkungen, déi d'Plattformen kënnen hunn, dat virun allem wéinst der Aarbecht op Distanz an de sougenannte „falschen Independanten“. Si fuerdert de Legislatuer derzou op, derfir ze suergen, dass d'Plattformen d'Aarbechtsrecht respektéieren. Och hei gëtt d'Chambre des Salariés hiren Accord nieft de Kommentaren, déi si gemaach huet.

D'Dateschutzkommissioun, also kuerz d'CNPd, huet e ganz detailléierten Avis zu dësem Projet verfaasst. Fir unzefänken ënnersträicht si d'Wichtigkeet vum Date-schutz bei dësem Projet, well et jo ëm d'Sammelen an den Austausch vun Informatiounen geet. Doriwwer eraus begréisst d'Dateschutzkommissioun och, dass et e Seuil gëtt, ënnert deem et net ënnert den Uwen-dungsberäich vun dem Gesetz fält.

Mee si huet awer och eng ganz Rei Demandé formuléiert, well de Gesetzesprojet an de Projet de règle-ment net präzis genuch wieren. Hei geet et virun allem ëm d'Präzisierung vun den Delaien, während deenen d'Donnéen gespäichert kënnen ginn.

Als Beispill sollen zousätzlech Donnéeën, déi vum Plattformbedreier gefrot ginn, fir eng zousätzlech Iwwerpréiung ze maachen, wann Zweifel bestinn,

direkt no esou enger eventueller Iwwerpréiung ge-läschet ginn.

Et soll och präziséiert ginn, wie genau responsabel fir den Traitement vun den Donnéeën ass.

Une voix | Très bien!

M. Guy Arendt (DP), rapporteur | Generell gesi mécht d'CNPd Recommendatiounen, fir datt de GDPR, d'Dateschutzreglement, agehale gëtt. Et sollen also just déi Donnéeën gesammelt ginn, déi effektiv gebraucht ginn an och just fir déi Dauer, während där se gebraucht ginn.

Och wann d'Dateschutzkommissioun versteet, dass et legitim ass, den Droit de l'information an den Droit de regard am Fall vun der Besteuerung ze limitéieren, muss dat kloer kadréiert ginn.

D'Dateschutzkommissioun begréisst, dass an den Ar-tikelen 9 (2) an 9 (3) festgehalde gëtt, datt all Recherche gespäichert gëtt, soudatt een effektiv d'Kontroll maache kann, wien a wéini wéi eng Donnéeën gekuckt huet. Si seet awer och, dass et nach besser wier, wa fir all Recherche eng spezifesch Begrënnung misst geléiwert ginn.

An engem zousätzlechen Avis begréisst d'CNPd d'Amendement, déi gemaach goufen, fir op hiren éischten Avis ze reagéieren. Si erënnert awer och un d'Revendicatiounen, déi net iwwerholl goufen a schléisst sech dem Avis vum Barreau un.

De Barreau huet och en Avis eraginn, dee sech op d'Roll vun den Affekote limitéiert huet a wéi si sech vun anere Beruffer ënnerscheeden. Et misst een den Ënnerschied maachen tëschent den Affekoten enger-säits an de Kontabelen a Réviseurs d'entreprise op där anerer Säit, dat virun allem a puncto Berufsge-heimnis.

Sou vill zu de wichtegste Punkten. Fir d'Detailer vun dësem souwéi deenen aneren Avice verweisen ech op déi respektiv Dokumenter.

Ech soen op dëser Plaz der Madamm Finanz-ministesch Yuriko Backes an hire Beamten aus dem Ministère an och de Mataarbechter bei eis an der Fraktioun Merci fir déi gutt Zesummenaarbecht bei dësem Projet.

D'DP-Fraktioun gëtt hiren Accord zu dësem Geset-zesprojet an ech soen Iech villmools Merci fir d'No-lauschteren.

Plusieurs voix | Très bien!

M. Fernand Etgen, Président | Ech soen dem Här Rapporteur Guy Arendt Merci.

An ech ginn d'Wuert un den éischten ageschriwwene Riedner, an dat ass den honorablen Här Laurent Mosar.

Discussion générale

M. Laurent Mosar (CSV) | Jo, merci, Här President. An ech fänken och u mat engem grouse Merci un eisen exzellente Rapporteur Guy Arendt, deen op seng gewinnte fachmännesch Aart a Weis eis dee Projet duergeluecht huet, och op d'Wichtigkeet vun deem Projet higewisen huet.

Mir wäerten natierlech eisen Accord zu deem Projet ginn. Ech wollt awer vun der Geleeënheet profitéieren, well et hei jo ëm eng Transpositioun vun enger europäescher Direktiv geet, fir eng Aktualitéits-fro ze stellen, op déi d'Finanzministesch sécherlech kann äntwerten herno.

An zwar geet et ëm d'Ëmsetzung oder iwwerhaapt elo mol ëm d'Adoptioun vun der Direktiv ATAD 3. Ech brauch hei net an den Detail vun ATAD 3 ze goen. Dat ass eng Direktiv, déi schonn an de leschte Méint fir

ganz vill Opreegung gesuergt huet. Ech kréie gesot, déi Direktiv wär quasiment op der Arrivée ukomm. An et géif mech interesséieren, Madamm Finanzministersch, wou mer do dru sinn, wat och eventuell de leschte Stand ass, well ech brauch dat hei net ze widerhuelen: Dat ass wierklech eng vun den Direktiven, déi riskéieren, extreem grouss Repercussiounen op de ganze Finanzsektor hei bei eis am Land ze hunn.

An duerfir wär ech frou, Madamm Minister, wann Der eis vläicht herno dozou kéint eng Rei vun Informatiounen ginn. Dat gesot, gi mir hei den Accord zu dësem Projet.

Ech soen Iech Merci.

M. Fernand Etgen, Président | Merci villmools, Här Mosar. An nächsten ageschriwwene Riedner ass den honorabelen Här Yves Cruchten. Här Cruchten, Dir hutt d'Wuert.

M. Yves Cruchten (LSAP) | Villmools merci, Här President. An och villmools merci dem Rapporteur Guy Arendt fir säi ganz, ganz komplette Rapport, deen haut de Mëtten hei gemaach huet. Esou wéi hien dat och schon am Detail beliicht huet, setze mer hei mat deem Projet déi EU-Direktiv vum Conseil aus dem Mäerz 2021 an dat nationaalt Recht ëm.

Dës Direktiv schreift sech jo och an eng ganz Successioun vu viregten Direktiven, déi zum Haaptzil hunn, den Informatiouns Austausch tëschent den EU-Steuer Verwaltungen esou ze systematiséieren, dass d'Steuerflucht ëmmer méi schwéier soll ginn.

Mat der Nummer 7 geet et drëms, de Mechanismus vum Informatiouns Austausch op d'Opérateurs de plateforme auszebreen, déi dann och mussen eng Rei vun Informatiounen zum Vendeur op hirer Plattform weiderleeden. Dës Informatiounen ginn obligatoresch an automatesch tëschent de verschiddenen EU-Steuer Verwaltungen ausgetosch a sollen hinnen esou eng besser Kontroll erméiglechen.

Als LSAP kënnen mir déi nächst Etapp am Informatiouns Austausch natierlech nëmme begreifen. Mat der DAC7 passe mir eise legale Kader un d'Realitéten vun haut un, well mir wëssen alleguerten, an der Ökonomie vun haut, do funktionéieren ëmmer méi Beweegungen iwwert dës Onlineplattformen. An déi Beweegungen kennen natierlech ëmmer manner dacks déi national Grenzen.

Dass den Austausch vu Steuerinformatiounen sech dës Realität muss upassen, schéngt eis dofir evident. Mir brauchen en internationale Steuersystem, deem mam technologesche Fortschritt ka mathalen.

Eng fair an effikass Besteuerung ass nämlech néideg fir de Staat, wa mir wëllen Investissementer maachen, zum Beispill an d'Lutte géint de Klimawandel oder nach an d'Digitaliséierung, fir nëmmen déi heite Beispiller ze nennen.

Ëmsou méi freet et eis ze héieren, dass DAC8 schon zu Bréissel ënnerwee ass. Si wäert den Informatiouns Austausch iwwert d'Revenuen, déi duerch d'Benotzung vu Kryptoaktivaen entstinn, erméiglechen.

Dës Revenuen däerfen net ënnert dem Radar vun den nationale Steuer Verwaltungen bleiwen, zemoos wa mer wierklech wëllen, dass net eleng d'Aarbecht, mee och d'Ertrag aus dem Kapital gerecht besteiert ginn.

Här President, ech kann also mat guddem Gewëssen den Accord vun der LSAP zu dësem Text ginn.

Merci.

M. Fernand Etgen, Président | Merci villmools, Här Cruchten. An da wier et un där honorabelen Madamm Josée Lorsché. Madamm Lorsché, Dir hutt d'Wuert.

Mme Josée Lorsché (déi gréng) | Merci, Här President. Mir ginn och mat guddem Gewëssen den Accord zu dësem Projet de loi a soen natierlech dem Rapporteur Guy Arendt e grouse Merci fir säi gudden Rapport.

M. Fernand Etgen, Président | Merci, Madamm Lorsché. An da wier et um honorabelen Här Fernand Kartheiser.

M. Fernand Kartheiser (ADR) | Jo, Här President, och e grouse Merci un de Rapporteur. Ech wëll elo net iwwert d'Meritten an d'Netmeritte vum automateschen Austausch vun Informatiounen hei philosophéieren, mee ech géif awer gär der Madamm Finanzminister eng ganz konkret Fro stellen, wat d'Steuerverwaltung ugeet.

Ech mengen, mir hu souwiesou eng grouss personell Entwécklung vun der Steuerverwaltung an deene leschte Jore gehat, mee et komme permanent Täsch bäi. An d'Fro ass natierlech och, wat elo d'Implikatioun heivunner ass op awer en Deel vun der Steuerverwaltung, deen tendenziell éischter ënnerbesat ass. An et ass eigentlech just eng Fro an och gläichzäiteg eng Opfuerderung un d'Regierung, wannech gelift dann déi zoustänneg Verwaltungen awer och ëmmer à même ze setzen, fir deenen Aufgabe kënnen nozekommen.

Villmools merci.

M. Fernand Etgen, Président | Merci, Här Kartheiser. An da wier et un där honorabelen Madamm Nathalie Oberweis.

Mme Nathalie Oberweis (déi Lénk) | Jo, merci, Här President. Mir als déi Lénk begreifen natierlech dës ganz wichteg Direktiv, déi nieft anere wichtige Ännerungen virun allem d'Zil huet, d'Steuer gesetzgebung un d'Realität vun deenen digitale Plattformen unzupassen. Et ass immens wichteg an och scho laang iwwerfällg, dass d'Revenuen, déi iwwert dës Plattformen generéiert ginn, dann och uerdentlech vun de Steuer Verwaltungen erfaasst ginn.

Ech wëll an deem Kontext awer och drun erënneren, wéi och d'CSL dat gemaach huet an hirem Avis, dass net nëmmen d'Steuer gesetzgebung muss un d'Realität vun dësen Plattformen ugepasst ginn, mee och d'Aarbechtsrecht.

D'Leit, déi fir dës Plattformen schaffen an hir Services ubidden, gi ganz dacks an enger prekärer Schässelbstännegkeet gehalten, wéi mir et hei och wëssen, an hu meeschtens keen Aarbechtskontrakt, keng Sécurité sociale an och keng bezuelte Congéen. Oder, fir et op gutt Lëtzebuergesch ze soen: Si ginn exploitéiert!

D'Regierung huet versprochen, dass ze reglementéieren. Mee sechs Méint virun de Wahlen hu mer nach ëmmer kee Projet de loi ze gesi kritt. Et ass awer scho virun engem Joer eng Proposition de loi deposéiert gi vu menger Kollegin, dem Myriam Cecchetti. A mir wäere ganz frou, wann et dann och endlech géif eng Stellungnam vun der Regierung zu dëser Proposition de loi ginn, wou mer, mengen ech, alleguerten enger Meinung sinn, dass déi awer wierklech néideg ass.

Mir wäeren dann och frou, wann den Aarbechtsminister endlech géif handeln, well d'Situatioun vun deene Leit ass äusserst prekär.

Wat dësen Projet de loi ugeet, stëmme mir e selbstverständlech mat.

Merci.

M. Fernand Etgen, Président | Merci, Madamm Oberweis. A leschten ageschriwwene Riedner ass den honorabelen Här Marc Goergen.

M. Marc Goergen (Piraten) | Merci, Här President. Merci dem Guy Arendt fir dee gudden schrëftlechen a mündlechen Rapport. Et ass kloer, wann een am stationären Handel seng Steiere muss gerecht bezuelen, da muss ee se och am Onlinehandel deementsprechend erfaasst kréien, soss hätt mer eng deloyal Konkurrenz. An deementsprechend stäerkt dës och eis Ökonomie, wa mer dës haut wäerte stëmmen. Dofir ginn och mir eis Zoustëmmung.

Merci.

M. Fernand Etgen, Président | Merci, Här Goergen.

D'Regierung huet d'Wuert, d'Madamm Finanzminister Yuriko Backes.

Prise de position du Gouvernement

Mme Yuriko Backes, Ministre des Finances | Merci, Här President. Dir Dammen an Dir Hären Deputéiert, och vu menger Säit dem honorabelen Deputéierte Guy Arendt e grouse Merci fir säi schrëftlechen a mündlechen Rapport. Mat der Transposition vun der DAC7 gëtt de Kader vun der Steuertransparenz dann och weider moderniséiert an erweidert. Et ass, wéi erkläert ginn ass, en zousätzlecht Puzzlestück an enger ganz grousser Panoplie vu Steuermaasures, déi an deene leschte Joren um EU-Niveau decidéiert gi sinn an déi mer natierlech hei zu Lëtzebuerg och ëmsetzen. Wéi erkläert ginn ass, ass d'Originn vun der DAC7 de Constat, dass effektiv duerch ëmmer méi grouss Ofwécklung vum Transaktiounen iwwert d'Plattformökonomie verschidde Revenue potenziell net méi fir d'Steuerzwecker deklaréiert ginn. Dat soll dann heimadder ënnerbonne ginn.

Déi betraffe Plattformen mussen da verschidde steierlech relevant Informatiounen direkt un d'Steuerverwaltung ginn. Mat der Transposition vun der DAC7 gëtt also e Schrëtt fir méi Steuertransparenz gemaach an och eng Kontributioun fir méi Steiergerechtheet. Ech mengen, dass ass fir eis alleguerten ganz wichteg.

Wéi den honorabelen Deputéierten Här Arendt och erkläert huet, ginn duerch d'DAC7 dann och eng Rei méi technesch Adaptatiounen gemaach. An ech wëll effektiv och ënnersträichen, dass mer warscheinlech scho relativ geschwénn zrëckkommen, fir iwwert déi nächst Transposition, dann d'DAC8, ze schwätzen, wou et effektiv ëm d'Kryptoassets geet.

Den honorabelen Deputéierten Här Mosar huet gefrot, wou mer mat der ATAD 3 dru sinn. Do kann ech Iech soen, dass do Diskussiounen lafen. Dat war elo net déi éischt Prioritéit vun där leschter Présidence, wou mer da relativ ..., nach net onfrou waren, loosse mer esou soen. Mee déi Diskussiounen, déi wäerten nach eng Zäitchen daueren, mengen ech, vu d'Komplexitéit vum Sujet. A Lëtzebuerg schafft natierlech ganz aktiv mat do drun. Ech mengen, mir hunn natierlech d'Wichtegkeet erkannt vun dëser Direktiv, déi den 22. Dezember am Joer, eier ech an d'Regierung komm sinn, mee op mengem Gebuertsdag, vun der Kommissioun proposéiert ginn ass. Dofir kann ech mech ganz gutt dorun erënneren. A vu d'Importance natierlech fir eis Finanzplaz, wäerte mer do weider an deenen Aarbechtsgruppen, déi, wéi gesot, de Moment lafen, ganz aktiv mat dru schaffen.

Den honorabelen Deputéierten Här Kartheiser huet gefrot, wat d'Implikatiounen fir d'Steuerverwaltung sinn. Ech mengen, am grouse Ganzen – a mir haten och déi Diskussioun an der relevanter Chamberskommissioun – si mer amgaangen, d'Steuerverwaltung ze digitaliséieren, ze moderniséieren. Do ass och

e groussen Nohuelbedarf, fir Leit anzustellen, fir déi Aarbecht ze maachen. Déi muss gemaach ginn an déi muss korrekt gemaach ginn. Dat leeft. Mir wëssen alleguerten, wéi schwéier et ass, fir Talenter ze fan-
nen. Och do brauche mer Talenter. Dat heescht, dat ass eng Saach vun Zäit. Dat hält eeben e bëssen Zäit. Mee do sinn e ganze Koup Posten ausgeschriwwen, wéi Der och op de Sitte vun der Regierung, vum Gouvernement, kënn gesinn. Déi relevant a wichteg Poste missten, wéi gesot, besat ginn. An do schafft d'Steierverwaltung ganz aktiv drop, well et wichteg ass. Voilà!

Dann, wéi gesot, fir d'Transposition dann hei vun der DAC7 Iech alleguerten e ganz grouse Merci fir déi gutt Zesummenaarbecht fir d'Transposition vun dëser Direktiv.

Merci.

M. Fernand Etgen, Président | Merci der Madamm Finanzministesch YuriKo Backes. D'Diskussion ass elo ofgeschloss.

Ier mer elo zum Vott kommen, wollt ech drun erënne-
ren, datt ee sech op sengem Posten alogge muss, fir kënne matofzestëmmen.

Mir kommen elo zur Ofstëmmung iwwert de Projet de loi 8029. Den Text steet am Document parlementaire 8029¹¹.

Vote sur l'ensemble du projet de loi 8029 et dispense du second vote constitutionnel

D'Ofstëmmen fänkt un. Mir maachen elo de Vote par procuration. De Vott ass ofgeschloss.

De Projet de loi ass eestëmmeg mat 60 Jo-Stëmmen ugeholl.

Ont voté oui : Mmes Diane Adehm, Nancy Arendt épouse Kemp, MM. Emile Eicher (par M. Laurent Mosar), Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes (par Mme Nancy Arendt épouse Kemp), Marc Lies, Mme Elisabeth Margue, M. Georges Mischo, Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes (par M. Georges Mischo), Claude Wiseler (par Mme Martine Hansen) et Michel Wolter ;

MM. Guy Arendt, André Bauler, Gilles Baum (par M. André Bauler), Mme Simone Beissel, MM. Frank Colabianchi, Fernand Etgen, Gusty Graas, Max Hahn, Mme Carole Hartmann, MM. Pim Knaff, Claude Lamberty et Mme Lydie Polfer (par M. Gusty Graas) ;

Mme Simone Asselborn-Bintz, M. Dan Biancalana, Mmes Tess Burton, Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen) ;

MM. Sven Clement (par M. Marc Goergen) et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitu-
tionnel?

(Assentiment)

Et ass also esou decidéiert.

3. 8159 – Projet de loi portant approbation de l'Avenant à la Convention entre le Gouvernement du Grand-Duché de Luxembourg et le Gouvernement de la République française en vue d'éviter les doubles impositions et de prévenir l'évasion et la fraude fiscales en matière d'impôts sur le revenu et la fortune, et le Protocole y relatif, tels que modifiés, fait à Bruxelles, le 7 novembre 2022

Deen nächste Punkt um Ordre du jour ass de Projet de loi 8159, en Avenant tëschent Lëtzebuerg a Frank-
räich, dee souwuel d'Duebelbesteuerung wéi och d'Steierflucht an d'Steierhannerzéiung soll verhënn-
ren.

Op Proposition vum der Kommissioun gëtt no der
Presentatioun vum Rapport ouni Diskussioun iwwert
de Projet de loi ofgestëmmt. D'Riedezäit ass nom
Basismodell festgeluecht. An de Rapporteur, den Här
Guy Arendt, steet prett. Här Arendt, Dir hutt d'Wuert.

Rapport de la Commission des Finances et du Budget

M. Guy Arendt (DP), rapporteur | Merci, Här President.
Kolleginnen a Kollegen, Madamm an Här Minister,
Stau ass fir ganz vill Salariéen, déi hei am Grand-
Duché schaffen, eng deeglech Realitéit. Ganz vill Sala-
riéen aus Frankräich hu virun allem oft e laange Wee
op d'Aarbecht ze maachen. D'Politik schafft säit Joer-
zénge dorunner, dem Problem Meeschter ze ginn,
mee et ass sécherlech keng Thematik, bei där just een
Hëllefsmittel duergoe géif.

Wéi kann ee méi Liewensqualitéit schafen? Derfir
sueren, datt d'Leit erëm méi Zäit mat hire Frënn a
Famillje verbrénge kënnen a manner am Trafick?

En Deel vun der Léisung, an dat huet sech déi lescht
Jore wierklech bewisen, dat ass den Teletravail. Esou
kënne Beschäftegter aus ganz ville Professionne vun
doheem aus schaffen. A mam Covid hate mir et ge-
sinn: Vun haut op muer hu vill Leit vun doheem aus
geschafft, obwuel se dat virdrun net wierklech maa-
che wollten oder konnten.

Abee, elo hu sech vill Leit dru gewinnt an den Tele-
travail ass aus der moderner Aarbechtswelt net méi
ewechedenken. Et ass eng reell Demande do. Dat
kréie mir och ëmmer erëm an den Entrevuë confir-
méiert. Manner Autoen op de Stroossen heescht
manner Trafick a manner Emissiounen. Einfach, awer
net ganz. Et gëtt een Hoken. Wien Teletravail a
Lëtzebuerg seet, dee seet och Steieren.

Fir d'Residenten zu Lëtzebuerg ass dat jo kee Pro-
blem. Anescht ass dat awer fir Residenten aus eisen
Nopeschlänner. Wa se eng gewëssen Unzuel un Deeg
iwwerschreiden, déi se an engem anere Land wéi
deem Land, wou se wunnen, schaffen, da mussen se
och do ufänken, Steieren ze bezuelen, anstatt just zu
Lëtzebuerg (veuillez lire: Wa se eng gewëssen Unzuel
un Deeg iwwerschreiden, déi se an deem Land, wou
se wunnen, schaffen, da mussen se och do ufänken,
Steieren ze bezuelen, anstatt just zu Lëtzebuerg).

Dat ass net d'Enn vun der Welt, mee et mécht d'Saach
awer méi komplizéiert an et schreckt vill Leit der-
vunner of, fir déi Limitt ze iwwerschreiden.

Vu datt d'Regierung sech staark mécht, fir de Leit méi
Flexibilitéit ze ginn, ass et och eng grouss Prioritéit,
fir de Frontalieren den Teletravail méi einfach ze maa-
chen.

An deem Kader presentéieren ech Iech haut de
Rapport zum Projet de loi 8159 iwwert d'Ännerung

vun eiser steierlecher Konventioun mat Frankräich.
De Projet ass am Februar dëst Joer deposéiert ginn.
Éischtens gëtt de Seuil de tolérance fir Residenten a
Frankräich vun 29 op 34 Deeg erhéicht. Si kënnen
also ganzer 34 Deeg Teletravail maachen an nawell
weiderhin zu Lëtzebuerg hir Steiere bezuelen.

Wann de Seuil iwwerschritt gëtt, da fält d'Besteie-
rungsrecht integral un d'Land vun hirer Residence
zréck. Wéi d'Konventioun sengerzäit ënnerschriww
gouf, hat den Teletravail, wéi a menger Intro schonn
ugedeit, nach net dee Stellwäert. Do huet d'Fro vun
de Persounen, déi am ëffentleche Secteur schaffen,
sech net gestallt. Bis elo war also just d'Privatwirt-
schaft betraff. Dat ännert sech mat dësem Avenant.
Dat ass deen zweete Volet vun dësem Projet, d'Fon-
ction publique au sens large kënnt also elo och an de
Genoss vun deem Seuil de tolérance fir den Tele-
travail. Dat heescht, d'Gemengen, de Staat, mee och
d'Établissements publics wéi beispillsweis d'CSSF,
sinn hei matabegräff.

Dat war et och schonn zum Contenu vun der Konven-
tioun. Fir ofzeschléissen nach e puer Informatiounen:

Am Oktober 2021 gouf déi politesch Decisioun tëscht
de Lëtzeburger an de franséischen Autoritéite ge-
holl.

Den Avenant gouf d'lescht Joer zu Bréissel ënner-
schriwwen a soll ab dem 1. Januar dëst Joer applika-
bel sinn. No zwee Joer kënnen d'Länner sech gesinn,
fir sech eventuell op en anere Mechanismus eens ze
ginn, wat d'Besteuerung ugeet. Wa sech näischt än-
nert, leeft dësen Avenant iwwer 2024 eraus weider.

Zu den Avisen ass ze soen, dass de Conseil d'État keng
Observatiounen hat. D'Chambre de Commerce be-
gréisst de Projet de loi. Si ass och der Meinung, dass
den Teletravail eng gutt Manéier ass, fir Talenter un-
zezéien an zu Lëtzebuerg ze halen.

D'Chambre des Salariés begréisst och de Projet a
freet, dass de Seuil weider no uewen ugepasst an
harmoniséiert gëtt.

Fir Detailer verweisen ech op mäi schrëftleche
Rapport. An ech soen och op dëser Plaz der Madamm
Finanzministesch YuriKo Backes an hire Beamten an
einem Mataarbechter, dee mer hei gehollef huet,
Merci fir déi gutt Zesummenaarbecht.

D'DP-Fraktioun gëtt hiren Accord zu dësem Gesetzes-
projet. An ech soen Iech Merci fir d'Nolauschteren.

Plusieurs voix | Très bien!

M. Fernand Etgen, Président | Merci villmools dem
Här Rapporteur Guy Arendt.

An elo huet direkt d'Regierung d'Wuert, d'Madamm
Finanzministesch YuriKo Backes.

Prise de position du Gouvernement

Mme YuriKo Backes, Ministre des Finances | Merci,
Här President. Dir Dammen an Dir Hären Deputéiert,
och ech wëll dem honorabelen Deputéierte Guy
Arendt Merci soe fir säi schrëftlechen a mëndleche
Rapport. Dat heiten ass ouni Debat. Ech hale mech
och ganz kuerz.

Wéi effektiv erkläert, geet et hei ëm d'Ëmsetzung vum
Avenant zu der Steierkonventioun, déi ech zesumme
mam Bruno Lemaire de 7. November d'lescht Joer ën-
nerschriwwen hunn.

Ech si ganz frou, dass hei de Seuil de tolérance elo
vun 29 op 34 eropgeet. Do si mer dann also um sel-
wechten Niveau wéi den Accord, dee mer mat der
Belsch hunn. Domadder hu mer dann och dräi Véierel
vun eise Frontalieren op de selwechten Niveau vum
Seuil de tolérance gesat, wat mengen ech, eng ganz
gutt Saach ass.